

¡BOMBA!

Es uno de aquellos días que se cuestiona a la ciencia, si hay menor delincuencia sólo con más policías



K'uintsil

Jueves 27 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2264 · www.lajornadamaya.mx

Boliviae' tu je'elsaj u jk'atunil Ejército yéetel máax ka'ach u komandateil Armada tumen óota'ab tokbil u muuk'il jala'ach

Tiita'ab Bolivia le miércoles máanika' úuchik u jach péek k'atun múuch'o'ob tu táan u kúuchil jala'ach, ti' ba'ax na'ata'ab beey xwo'okin ti'al u lúubsa'al u muuk'il jala'ach; le beetik jela'an p'áatik noj kaaj tak ka'aj ma'ach u ajk'atunil Ejército ku tukulta'al beef le noj péeksajilo'.

Bolivianoil jala'ach, Luis Arce, tu páayt'antaj kaaj ti'al ka péeknak tu táan le ba'ax ku yúuchulo', yéetel tu jets'aj ka yanak u luk'ul le troopaso', beyxan tu tselaj meyaj ti' u kóomandateil Ejército, Juan José Zúñiga, máax péeks ajk'atun máako'ob ti'al u tokiko'ob u muuk'il jala'ach.

"Ma' tu béeytal kcha'ak uláak' juntéen ka'aj óota'ak tokbil u kuxtal bolivialo'ob", tu ya'alaj Arce úuchik u t'aan ti' jump'éeel meedyóo.

Úuchik túun u k'éexel máax jo'olbesik ajk'atuno'obe', múuch' péeka'an ka'ach tu táan noj k'iwiike' aktáan u kúuchil jala'ache', jbinob.

Beyxan jkóomandantée Zúñigae' jmacha'ab xan tu jo'olaj jayp'éeel oorás jelpajak ba'al te'elo'.

U ministroil jala'ach, Eduardo del Castillo, tu ts'áaj k'ajóoltbile' tu taardeil le miércoles' yanchaj ka'atúul máak macha'abij —Zúñiga yéetel juntúul máax ku meyaj ka'ach Armada— yanchaj ka'atúul máax ti' úuch loob, máaxo'ob biinsa'abo'ob tu najil ts'akyaj.

Ts'íib yéetel oochel Ap